

賢愚因緣經

卷八

四百七
盤八

50976



元祿九年丙子二月日重脩

皇圖聖圖 帝階銀昌

佛日增輝 懋輪崇轉

山城州天安寺法金剛院置

賢愚因緣經卷第八

盤

元魏沙門惠覺在高昌郡譯

蓋事因緣三十八



如是我聞一時佛在羅閱祇竹林精舍慧命
阿難竹林中坐心自思惟如來出世甚奇甚
特今諸弟子蒙佛恩澤於四生養無所乏少
各獲安隱得盡苦際一切世間諸王臣民亦
得大利遭值三寶人民安樂皆悉思惟世尊
威力所致作是念已從坐處起來詣佛所尔
時世尊為四部眾廣說妙法慧命阿難前整
衣服偏袒右肩右膝著地長跪合掌向佛自
說林中所念佛苦阿難如汝所言如來出世



實復奇特。令一切衆生皆獲利益。復次阿難。如來正覺。非但今日祐利衆生。過去世時。亦復利益阿難。白佛不審。世尊過去世中。饒益衆生。其事云何。佛告阿難。過去久遠阿僧祇劫。此閻浮提有四河水。二大國主。一名曰婆羅提婆。晉言梵天獨據三河。人民熾盛。然復儻弱。一王名曰罰闍。建提。晉言金剛唯得一河。人民亦少。然其國人悉皆勇健。時金剛聚處于正殿。獨坐思惟。如我今者。兵衆勇捍。而所獲水少。彼國儻弱。獨霸三河。今當遣使和索。一河若與我者。共為親厚。國有好物。更相貢贈。若有艱難。共相赴救。若其不得。便當力逼而奪。

取之作是念已召諸大臣共議此事諸臣或
言今正是時即遣驛使至梵天國具以王意
宣示梵王梵王聞此復自思惟我國豐實人
衆亦多又此國界父王所有轉用授我至於
力諍我不下彼作是念已報彼使言今此國
土非我所得乃是父王轉用見授如我今者
力不減汝汝欲力決我不相畏使還本國具
以聞王王即合軍攻梵天國共戰一文梵天
軍壞棄背追蹶逕至城邊衆人怖縮更不敢
出諸臣相將悉共集會詣梵王所咸皆同心
白大王言他國兵強我國儻弱惜一河水今
致此敗如是不久懼恐失國唯願開意以

河水與之共為親原足得安金王心便回可
衆臣意即時遣使至彼軍中白其王言我曹
比國用作惡為所索河水今以相與我當以
女為汝夫人國有異物更相負贈急難危嶮
共相赴救時金剛聚從其來意即迎其女拜
為夫人各共和解回軍還國經於數時其王
夫人便覺有胎懷妊之後恒有自然七宝大
蓋當在身上坐卧行立終不遠離至滿十月
生一男兒身紫金色頭髮紺青光相炳著世
之少雙兒以出胎蓋在其上召諸相師令相
此兒相師披看举手唱言善哉善哉異口同
音白大王言今觀太子德力無此人相具足

世之希有王及群臣喜不自勝即告相師為
其立字今時國法依於二事而為作字一者
瑞應二者星宿相師白王今此太子入胎已
來有何等瑞王答之曰有七寶蓋恒在其上
便為作字字刹羅伽利晉言蓋事以眾妙供隨時
承奉年至成人父便命終葬送畢竟小王臣
民共立蓋事用為大王治政數年出外遊觀
見諸人民耕種勞苦問左右曰我國人眾何
以作此種種役使臣答王言國以民為本民
以穀為命若其不令民命不存民命不存國
剛滅矣王便言曰若我福相應為王者令我
民眾獲自然穀莫復作此發言

已竟一切人民倉庫自滿種種雜穀隨意
有又經數時復出外遊見其國人採薪汲水
舂磨作役又問臣言今諸人衆故復勞苦何
以尔耶臣白王言蒙王恩澤獲自然穀穀叵
生食事須成熟是以庶民辦作食調王復言
曰若我福德相為王者今吾國內一切人民
若欲食時有自然食恒在其前發言已訖合
境皆獲自然之食又復經時更出遊觀見人
忽忽各執所務紡織裁縫辦具衣調王問臣
言此諸人等何以故尔辛苦執作臣白王言
蒙大王恩獲自然食今者作役辦具衣裳王復
言曰若我福德應為王者使吾國內一切樹

米出自然衣適發此語國中諸樹皆出妙衣
極爲細軟青黃赤白隨人所好又經數時王
復出遊見於人民各各競共作諸樂器工復
問臣我國人民何以故尔勞煩執作臣白王
言此諸人等蒙大王恩衣食自然各獲安隱
事須伎樂用自娛樂是以今者治伎樂器主
便言曰若我有福應爲王者今我國中男女
樹上皆有種種樂器鼓貝琴瑟琵琶笙篴一
切所須稱意悉有又經數時諸王臣民悉來
拜賀值王食時時王即請留與飲食尔時諸
臣得王飲食百味具足咸共白王臣等家食
其味薄少今得王食美味非凡王告之曰卿

等臣民若欲常得如我食者用吾食時食以
皆得如是之食即勅司官吾食時到烜鳴大
鼓令諸人民悉得聞知用我時食當得百味
上妙之供從是已後食便鳴鼓一切人民承
音念食百味上饌自然在前人民優樂不可
具陳時王梵天遣使來至蓋事玉國語蓋傳
言汝父在時我以河水用與汝父汝父已終
宜當還我時蓋事王報彼使曰我今境土及
以河水亦非我力強從汝得然我為王不勞
民物此蓋小事宜停在後須我面與汝王相
見乃當宣備國土之要使還到國一丁白王
王然其意剋日共期期日已滿二王俱進軍

眾圍遶甚多無數各安大營在河一邊二王
乘舩河中相見時王梵天初見蓋事身色晃
曜如紫金山頭髮弈弈如紺琉璃其目廣長
人中難有敬心內發謂是梵天到相問訊對
坐一處談兩國土論索水事蓋事報曰我國
人民所欲自然亦無貲輸王殺之勞所言未
訖食時已至蓋事王軍鳴鼓欲食時梵天主
甚以惶懼謂欲牽攝而取殺之怖不自寧起
謝已過手足四布腹拍前地蓋事自起曉令
還坐復語之曰大王何以恐怖如是我軍食
時恒自鳴鼓所以尔者是我食時用我時食
皆獲百味上饌之供持王梵天復起合掌白

蓋事曰唯願大王普具瞻慕我及國。悉願
降附令諸民庶悉蒙恩澤於是蓋事與閻浮
提一切人民盡獲安樂登位之後處於正殿
羣僚百官宿衛侍立日初出時有金輪寶從
東方來王遙見之即下御座右膝著地向於
輪所以手三招輪已來至于輻具足光色兩
著主告之曰若我應作轉輪王者如法住處
汝便任中於是輪寶當在王前虛空中任其
輪去地七多羅樹象寶神珠玉女典兵典歲
等寶次第來至時蓋事王七寶具足典四天
下一切衆生蒙王恩德所欲自恣王悉教令
修行十

行生天佛十

時刹羅伽利王者豈異人乎我身是也。爾時
父王罰闍建提。今現我父淨飯王。是爾時母
者。今現我母摩訶摩耶。是我因往昔慈愍衆
生。恒以財法而攝取之。從是因緣。自致成佛。
三界獨尊。無與等者。以此義故。一切衆生。皆
應修習。大慈潤益。爾時阿難。復白佛言。不審
由尊過去。世中刹羅伽梨。轉輪聖王。以何因
緣。獲如是等無量功德。初入母胎。寶蓋隨覆。
佛告阿難。乃復過去久遠。無量阿僧祇劫。此
閻浮提。波羅捺國。仙人山。中有辟支佛。恒於
山中止住。時辟支佛。患身不調。往問藥師藥
師。語曰。汝有風病。當須服乳。時彼國中有

一 薩薄名曰阿利那蜜羅。聖結時辟支佛
往告其家陳病所由。從其乞乳。薩薄歡喜便
請供養。日給其乳。經於三月。三月已竟。身病
得瘥。感其善意。欲使主人獲大利益。踊在空中
中坐。卧行立。身出水火。或現大身。滿虛空中。
又復現小。入秋毫裏。亦是種種。見十八變。於
是聖支極懷歡喜。復從空下。重說其供養。於
數時。乃入涅槃。薩薄悲悼。追念無量。耶旬其
身。收取舍利。盛以寶瓶。用起鍤婆香華。伎樂
種種妙物。持用供養。所捉大蓋。以置其上。盡
其形壽。供養此塔。由其供養。一辟支佛四事。
供養。因此福報。無量。世中或生天上。或處人

中尊豪挺特世之少雙又告阿難一切衆生
在家出家皆應修福生生之中獲如是利尔
時阿難及諸會衆聞佛所說歡喜奉行
大施杼海品三十九

如是我聞一時佛在羅閱祇者闍崛山中與
尊弟子千二百五十人俱尔時世尊命須侍

者諸尊弟子憍陳如等各共觀察知佛身念
時憍陳如從座而起偏袒右肩合掌長跪白
佛貪得待近捉衣持鉢唯願垂愍賜教聽許
佛告之曰汝年老邁自須給侍何忍使汝復
見供事時憍陳如知佛不聽禮已還坐摩訶
迦葉舍利弗目犍連及諸弟子五百人等次

第白佛皆求給侍佛皆不聽時阿那律試觀
佛意見佛志趣心存阿難如日在東照于舍
宅光從東牖直至西壁世尊志意亦復如是
諸大弟子皆亦觀知時舍利弗及目捷連從
坐處起到阿難前語阿難言世尊志意欲得
於仁以為侍者仁有善刹獨蒙稱可宜速
白求為佛侍時賢者阿難見諸上座來到其
前又聞其語尋起合掌白上座言世尊德重
智慧深遠以我常近親侍奉事懼招罪尤自
遺殃患舍利弗等復語之言今觀世尊專注
致意欲得於仁以為侍者如日初出照于室
宅光從東牖直照西壁世尊海心亦復如是

又復世尊究人情能知何堪... 時速白求為侍者賢者阿難重得是語思惟
是事靡知所如復更合掌白諸上座若令世
尊賜我三願我乃堪任為佛侍者何謂為三
世尊故衣勿與我著世尊殘食莫令我噉時
節進現隨我裁量得此三願乃能侍佛舍此
弗等聞是語已具以其事往白世尊佛聞此
已告舍利弗諸弟子等阿難所以求索不著
我故衣者阿難長慮恐諸弟子懷嫉妬者而
生此心國王臣民諸檀越輦施佛貴價細軟
之衣阿難貪此故求給事復索不噉我殘食
者處諸弟子復生此心... 食之...

甘旨自味世無此食阿難隨故為不側道
難所以索自裁量時節進現者慮諸弟子及
外道衆來求進現有所難問不知時節儻相
惱觸又為侍者當候時節飲食所宜便身益
體一一制度慮過見及是以先豫索此三願
又復阿難不但今日索自知時過去此時奉
侍於我善知時宜時舍利弗重白佛言不審
過去奉事於佛善知時宜其事云何佛告舍
利弗汝欲聞者諦聽著心當為汝說唯然世
尊諾當善聽佛告舍利弗乃往過去無數無
量阿僧祇劫有大國王領閻浮提八万四千
小國八十億聚落王所住城名婆樓施舍

是城中有一婆羅門号尼拘樓陀聰明博達
天才殊邈王甚宗戴師而事之八万四千諸
小國王悉遙敬慕瞻仰所在四遠貢獻遣使
諮承略而言之如奉大王於是婆羅門富敵
王家但無子息可以紹繼出入坐卧海懷上
愁不知何方可以得子即禱祀梵天天帝呼
王摩醯跋羅及餘諸天日月星宿中
種種禱祀無所不遍剋誠積報經十二年其
大夫人便覺有身聰明女人能得知此自知
所懷必是男兒即以情事白婆羅門婆羅門
歡喜倍增怡躍即勅家内夫人采女悉共擁
護夫人進止飲食牀薦極令細軟調適稱給

莫違其意十月已滿便生男兒身紫金色頭
髮紺青端正超異人相難有婆羅門見喜不
自勝即召相師來共相之相師披觀歎未曾
有此兒相好福德弘度天下所瞻如子賴母
其父歡喜勅為立字天竺作字依於二種或
依星宿或依變異相師便問懷妊以來有伺

變異其父答言此兒之母素來忌惡少於慈
順不修慈慧自懷妊來心性改異矜憐苦厄
如母愛子志好布施無有貪惜相師聞之歡
喜而言此是兒志故使然也當為立字号

摩訶闍迦樊晉言大施其兒漸大父甚愛念別

為作宮立三時殿冬温夏涼春秋居中安諸

伎侍以娛樂之。其見聰明好樂學問誦持經
典十八部書文既通利并善其義學諸術
靡所不通其後大施白其父言久在深宮思
欲出遊父聞此語即勅臣吏我子大施欲出
遊行掃灑街陌除諸不淨豎諸幢幡散華燒
香莊嚴道路極令淨潔施設辦已大施於是
乘大白象七寶校飾椎鍾鳴鼓作倡伎樂千
乘万騎導從前後行大御道往詣城門於時
國中人民之類於樓閣上夾道兩邊競共觀
看無有厭足皆各言曰甚奇甚妙覩其威相
猶如梵天轉復前行見諸乞兒著弊壞衣執
持破器畀言求食我少少施見之而

曰汝等何以辛苦乃尔或有答言我無
母兄弟妻子貧窮孤兒無所恃怙或有答言我
有長病不能作役自活無路或有答言我之
不遇數遭破亡債負盈集身口所切無方自
濟是以行乞以繼餘命大施聞已酸歎而去
次復前行見諸屠兒剝剝畜生銷剝稱賣
施見問咄作何等各答言曰祖父以來屠殺
爲業若捨此事無以自濟大施歎息捨之而
去次見耕者以犁墾地虫從土出蝦蟇拾吞
復有虵來吞食蝦蟇孔雀飛來啄食其虵大
施問之此作何等各答言墾地於中下種後當
得穀以自供養并復當得以贖一家大施

已深歎而去次復前行見諸獵者張網設罟
捕諸禽獸見諸禽獸墮罟網中自挽自頓不
能得脫悲鳴相喚各懷怖懼大施見之何以
作此各共答言我等唯仰獵殺爲業若不爲
此存活無路聞其語足酸傷而去次復前行
見捕魚師張設羅網所得甚多積者陸地

龍動搖復問其故咄何以尔各前答言
來無餘生業唯仰捕魚賣供衣食大施見已
甚懷愍悼而自思惟是諸衆生皆由貧窮乏
衣食故爲此惡業殺害衆生歡喜極意壽終
之後當歸三塗從冥入冥何其惟哉作是念
已迴駕還宮思憶是事愁憂不樂往見其父

求索一願。父語太施。隨汝所求。終不相違。即
自說言。先日出遊。觀彼人民。以求衣食。勞形
役思。殺害欺誑。具諸惡業。意甚矜憐。思欲拯
給。唯願垂恩施。我大藏聽。自恣施濟。衆所乏
父告之曰。我聚財寶。盡爲汝故。汝意欲令奈
何。相違兒得父教。即勅宣下一物。人思等。

聞迦樊欲大檀施。有所須者。皆悉來。取
已訖。沙門婆羅門貧窮。負債孤苦。疾病諸城
道路前後而去。諸人民輩。有從百里。二三五
百千里來者。復從三千五千里來者。皆強
弱相扶。四方雲集。一切給與。滿其所願。須衣
與衣。須食給食。金銀七寶。車馬輦輦。園田六

畜稱意而與如是布施經數時中諸藏之物
三分已二時典藏吏往白其父摩訶闍迦契
自布施來藏物三分已施其二諸王信使當
有往返願熟思惟後勿見責父聞吏語自思
惟言吾愛此子不能拒逆寧復空藏可能中
斷如是布施復經數時用幾藏物三分之二

吏復更白前所殘物三分之中已更用幾諸
主信使事須報遺今藏垂空願更重思時婆
羅門而語吏言吾愛此子愛心隆厚未曾違
失面折其意汝可方便假託因緣來求物時
乍稱不在且令餘殘延引日月吏得語已即
閉藏戶小復他行乞兒來集至大施所大施

將來詣吏求物其吏不在比行推覓經歷時
節困乃得之雖復得物不稱時要大施自念
今此小吏自力何敢不承受我將是父意故
使尔耳又人子之法不宜空竭父母之藏今
其盡也今此藏中所殘無幾作是念已我當
云何多得財寶用滿我意濟給羣生
人今此世間作何事業可得多財用
或有人言多種五穀修治園圃可得多財或
有人言多養六畜隨時番息可得多財或
人言不避劇難遠出行估最得多財或有人
言唯有入海採求珍寶最得多財大施聞此
而自言曰耕種養畜遠出行估既非我宜得

利無幾。唯有入海。此計可從。我當勵求。辦
此事。作是念。已往白父母。今欲入海。求多珍
寶。還用施給。濟民所乏。唯願見聽。得遂所志。
父母聞語。驚而問言。世人入海。窮貧無計。分
棄身命。無所願戀。汝有何事。復欲習此。若欲
布施我家。所有一切。衆物。及截中殘。用莫入
大海。又復海中。衆難甚多。水摩竭。大魚惡
龍。剎水色之山。如是衆嶮難。可經過。汝有
何急。投身此難。我等命存。終不相聽。宜息
汝意。勿多紛紜。大施聞此。願不從心。甚懷
悒戚。而自心念。我今所願。欲辦大事。設復
貪身事。何由成。以身布施。伏願母前。而

自言曰若必願留違我志願伏身以地終不
復起父母聞此心懷灼然與諸內宮前諫諭
曰海道遼遠嶮難事多往者甚衆來還者尠
念我求子禱祀諸天精誠懇惻靡所不遍經
十二年因乃從願適汝長大欲得捨我以還
此志還起飲食從一日二日至于六日
種種諫諭未曉其言如初執志不迴必而
懼自共議言此兒前後欲有所爲要令成
未曾中退就令入海猶望還期今必抵遮到
其七日交見其禍爲之奈何宜當聽去轉復
在後言議已決俱來兒邊各捉一手而語兒
言聽隨汝意起還就食大施聞此即起就飯

飯食已訖即起出外廣行宣令告諸衆人我
今躬欲入海採寶誰欲往者可共俱進我爲
薩薄自辦行具於時國中有五百人聞是令
已僉然應命即辦所須剋定發日日到裝駕
辭別趣道王與羣臣并其父母諸王太子
民之類數千万人送到路次各贈沙羅
所須帝哭斷絕於是別去
野值遇羣賊來欲伺盜菩薩憐愍即以尸羅
盡用勾與轉前到城城名放鉢城中有婆羅
門名迦毗梨於時大施往到其所欲從貸索
三千兩金時婆羅門有一妙女身紫金色頭
髮紺青端正絕世更無疇類八万四千諸小

國王皆爲太子求悉不許是時大施到其門
中問迦毗梨欲共相見其女在內聞外語聲
歡喜驚起語父母言在外語者斯是我婿時
迦毗梨即出相見觀其色狀知必非凡聞其
須金一切許給又復左手提金罍罐右手提
女語大施言今我此女容貌

各爲子求今觀薩薄端正相好請以
相奉侍大施荅言我今方當涉難入海焉知
能得安全還不預受君女此非所以迦毗梨
言若令吉還當爲我受是時大施即許可之
時迦毗梨歡喜便與三千兩金及餘所須於
是共別轉前到海勅語賈人勞治其船令有

七重候風以至推著海中以七張皮索繫於
岸邊便搖鈴唱令告衆賈人汝等皆聽海中
之難黑風羅刹水浪迴覆惡龍毒氣水色之
山摩竭大魚衆難甚多百伴入海時一安還
誰欲退者可於此住索斷之後欲悔無及若
能堅心不顧身命分捨父母兄弟妻孥際遇
安隱得七寶還者子孫七世食用不盡作是
念已便斷一索日日如是七日復唱令已斷
第七索望風舉帆船疾如箭普與衆賈到於
寶所大施多聞明識諸寶輕重貴賤色貌好
醜示諸賈客如是色寶致之不重價貴可取
如是葦寶致重價賤各共莫取又復約勅取

寶多少當今得中多則船重重則疏後少雖
船輕不補勞苦誠語已訖各勲採拾積著船
上寶足裝嚴便欲來還於時大施不欲上船
諸人悉集問其意故大施荅言我欲前進至
龍王宮求如意珠盡我身命不得不還衆賈
聞此愁慘無聊各共白言我曹之等憑賴薩
薄捐棄所重冒嶮至此冀望相匡全濟還家
今者云何欲見棄捨大施荅言我當爲汝自
誓求願今汝曹等安隱還國諸賈人聞心怖
乃安大施導師手執香爐向於四方而自誑
誓我不憚勞涉海求珍用濟羣生飢乏之困
合集此德用求佛道若我至誠所願當就今

此衆賈及船珍寶不逢惡難安全還國作善
已訖衆賈前抱導師手足涕泣愴恨辭別還
國斷索舉帆還閭浮提皆蒙安隱得出大海
與衆別後前入於水水可齊膝行經七日轉
復前行其水漸深可齊於歧復經七日如是
前進七日齊霄七日齊頃七日恒浮到一山
邊兩手捉木刺山而上經乎七日乃到山頂
於彼山上平行七日復還下山七日徹下到
於水邊水中皆有金色蓮華有諸毒蛇其毒
極盛悉以其身纏蓮華根菩薩見此即自端
坐繫心攝念入慈三昧念諸毒蛇本生之時
皆由瞋恚嫉妬倍盛故生此中受斯惡形極

以慈心矜憐悲念慈心已備彼諸毒虵皆自
除歇大施即起躡華而行復經七日乃得度
虵轉復前行見諸羅刹聞人香臭皆來求覓
大施已見攝心慈觀諸羅刹輩敬心自生軟
語來問欲何所至大施具答欲求如意寶珠羅
刹歡喜而自念言此福德人去於龍宮其道
甚遠云何使此經涉辛苦苦手當接城於言此
難即時接去度四百由旬乃還放地於是大
施轉自前行見一銀城白淨曠然知是龍城
歡喜往趣見其城外有七重塹備諸塹中皆
有毒虵其毒猛盛視之可惡大施導師念諸
毒虵皆由前身怒害多盛故受如斯可惡之

形念慈哀愍如視赤子慈心已滿毒虵悉除
即起踏上行詣龍城見有二龍以身繞城交
頭門闔見於大施仰頭愕視大施尋時復來
慈心龍毒便除佞頭不視大施即前躡上而
過城中有龍坐七寶殿遙見菩薩驚起自念
我城外七重塹中有毒虵餘龍夜叉無以
殺之斯是何人能來至此即前迎問作何緣
敬請令就座坐七寶牀種種美饌以用供養
食已談語問其來意菩薩答言閻浮提人貧
窮辛苦求於財寶供衣食故殺害欺誑具造
衆惡命終之後墜三惡道意甚憐愍欲救濟
故涉嶮遠來見於大王求旃陀摩尼往用救

濟積此功德誓求佛道若不拒逆唯見給與
龍王荅言旃陀摩尼難得之寶汝故遐嶮正
來爲此若能開意留任一月受少微供因爲
說法旃陀摩尼尔乃可得菩薩可之龍王日
日供設百味作諸伎樂供養菩薩菩薩便爲
是足分別四念處慧經一月竟辞當還於
王歡喜解髻寶珠以用奉王因而言曰然
慈普悲濟難及此志強猛必至佛道我願爲
作智慧弟子菩薩可之而問之言今汝此珠
有何力能即荅之言此珠能雨二千由旬之
切所須菩薩自念此珠雖快故未辦我曠濟
六事諸龍大小送到門外重相辞謝於是別

云轉復前行遙見一城純青琉璃其色清潔
復前往趣其城外邊亦七重壘諸壘之中亦
備毒虵菩薩見已念此諸虵瞋妬所致故來
此中受此毒形端坐入慈極加哀念慈心已
盛毒皆得除徑蹈其上往趣城門亦見二龍
以身纏城交頭門闌已見菩薩驚頭怒流言
菩薩尋時思惟慈心慈心已滿其毒復除便復
佞頭菩薩蹈過尔時城中有一龍王坐七寶
殿遙見菩薩驚起自念計我城外七重虵壘諸
龍夜叉無能越者此是何人能來至此尋下
迎問恭敬作禮請詣殿上坐七寶牀辦諸百
味盛美飲食食竟徐徐談問所由菩薩因答

來之意唯欲求乞旃陀摩尼龍王自言旃陀摩
尼甚為難得苟欲得者願受我請二月住此并
見開示菩薩之行龍王供設種種飲食作諸
伎樂而以供養菩薩具足為其分別四神足
事經二月已辭當還去龍王即出髻中寶珠
以用奉上因立要誓大士慈心悲濟羣生其
心廣大必至佛道我願為作神足弟子菩薩
可言如汝所願又復問此所與寶珠力能云
何龍即荅言此珠能雨四千由旬一切所須
菩薩自念此珠轉勝雖復殊妙未稱我意諸
龍大小送出門外各懷戀恨於是別後轉更前
行見一金城其色晃晃甚為妙好菩薩往趣見

其城外亦七重塹諸塹之中亦滿毒蛇菩薩
自念此諸毒蛇亦由前身習毒憎妬怒害盛
故受此毒形端坐入慈極加愛念慈心已至
毒蛇皆除便前登躡蹈上而過到於城門亦
見二龍以身纏城交頭門闔已見菩薩仰頭
愕視菩薩如法入于慈定龍毒得除返頭而
視即前躡上度入城中彼時城中亦有龍
處於寶殿遙見菩薩愕然自念我此城外有七
重塹滿中毒蛇餘龍夜叉無能越者今此何
人能來至此心極竒恠尋下迎問致敬爲禮
請令上殿施七寶牀讓之令坐坐已具食種
種美味食已徐問所以來意菩薩答言閻浮

提人薄德窮苦勞身役思殺害欺誑為衣食
故具十不善命終之後復墮三劇苦中意甚
愍傷思欲救濟承海龍王有如意珠故涉遐
嶮唯望得此龍王荅言如意寶珠此難得物
大士故來望當相與若欲得者四月留住受
我微供并見教誨菩薩尋可龍王次喜日日

施設百味上美躬自斟酌奉進甘食亦復
作種種伎樂菩薩恒為分別諸法名字本末
廣宣其義龍王敬慕專意聽受朝夕問訊不
失時節隨時所須龍王自裁量諸龍夜叉來欲
求現可進可退自立限度奉事四月善知時
宜四月已竟菩薩辭去尔時其龍即解髻中

如意之珠用奉上之因立誓願大士如誓慈
心曠濟悲彼羣生不憚勤勞必能成佛拔濟
塗炭願作侍者摠持弟子菩薩許之又復問
言所可施珠力能何如龍王荅言此珠能雨
八千由旬七寶所須菩薩歡喜而自念言閻
浮提地七千由旬此珠之德副我所望前後
所得凡有三珠繫在衣角即起出城諸龍大
小送到城外各懷悲戀遂共別去菩薩到前
捉珠求願若今寶是旃陀摩尼當令我身能
飛虛空求願已訖即舉其身徑能飛翔出于
海外已渡海難小眠休息是時海中有諸龍
輦自共議言我曹海中唯此三珠其德甚大

難有般比此人皆能索得持去可惜此寶當
還攝取言議已竟密解持去菩薩眠覺看珠
不在即自思惟此中無人必是海龍持我寶
去我爲此珠經涉遐嶮今還國滿我所願
雖取我珠吾終不放會當盡力扞此海水誓
心剋志畢命於此若不得珠終不空歸思惟
已定即行海邊得一龜甲兩手捉持守欲持
海海神知意來問之曰海水深廣三百三十
六万里正使一切人民之類盡來共扞不能
使減況汝一身而欲辦此菩薩答言若人至
心欲有所作事無不辦我得此寶當用饒益
一切羣生以此功德用求佛道我心不解何

以不能是時首陀會天遙見菩薩一身一意
獨執勤勞欲用充濟安樂一切我曹云何不
往佐助展轉相語來至其所菩薩下器一切
諸天盡以天衣同淹水中菩薩出器諸天舉
衣棄著餘處一反抒海減四十里二反抒之
減八十里三反抒之減百二十里其龍惶然
來到其所語言止止更莫抒海菩薩尋休罷
來問言汝求此寶用作何等菩薩答言欲用
給濟一切衆生龍復問言如汝言者我曹海
中衆生甚多何以不與必欲得去菩薩答言
海中之類亦是衆生然無劇苦如閻浮提人
民之類爲錢財故殺害欺誑作十不善死墮

三途我以人類解於法化故來索寶先充所
乏後以十善而勸誨之龍聞其語出珠還之
尔時海神見其精進強力所作即作誓言汝
今如是精進不休必成佛道我願爲作精進
弟子菩薩得珠復更飛去到便先問入海同
伴賈客即下在地同伴見之驚喜無量皆驚
歎言甚奇甚特轉復前行到放鉢城毗梨
婆羅門聞於菩薩海中吉還歡喜踊躍出迎
問訊并請同伴爲設客會辦具種種肴饌飲
食食訖談叙行路恤耗是時菩薩持其珠指歷
其家婆羅門家內諸藏悉滿會者覩此歎未
曾有時迦毗梨莊嚴其女若干種寶校飾其

身躬手自捉金寶澡罐先洗身。後牽女臂授與菩薩菩薩為受迦毗梨歡喜嚴五百伎女擇取才能工為伎者具五百白象眾寶莊校極令竒異用送其女菩薩勅伴駕乘進路城中大小送到道次作眾伎樂導從還國大施父母自與見別憂結迷憤啼哭過哀其目

俱冥盲無所見兒還到國禮拜問訊父母聞聲以手摩捫介時審知大施還國悲喜交伏窮責其子汝實無狀捨我入海困苦我曹微命趣存汝大海中得何等物菩薩出珠以授父母父母手捉而自言曰今我藏中如斯石比亦不少也何用辛苦方乃得此菩薩取珠

指父母眼目欸明淨如風除雲既還得視心
遂欣豫感此珠德歎言甚竒汝雖辛苦功不
唐捐菩薩復捉其珠而從求願若是旃陀摩
尼者使我父母下自然有七寶竒妙珍異牀
座上有嚴淨七寶大蓋言訖尋成一切皆喜
菩薩復更捉珠求願令我父母及王臣民一
切諸藏皆悉盈滿即以其珠四向歷訖如語
悉滿莫不驚喜即時遣人乘八千里象告閻
浮提一切人民摩訶闍迦焚海中吉還得如
意珠其德殊異却後七日當令其珠雨於一
切珍寶衣食隨人所須自恣而取皆各齋戒
儲俟以待告下遍已七白頭到大施菩薩沐

浴其身著新淨衣至平坦地即持其珠著高
幘頭手執香爐四方求願閻浮提人貧窮辛
苦欲得濟給令無有乏若當實是旃旒摩尼
便當次第雨衆所須求願已訖四方陰雨雲
即時風起吹諸不淨瑕穢糞糞掃皆悉除去次
雨微水以掩塵土次雨飲食百味上美次雨
五穀次雨衣次雨七寶種種奇珍閻浮提
內衆寶積滿人民之類自恣而取止妙衣食
盈溢有餘視諸珍寶猶如瓦石尔時菩薩觀
民充足即遣臣吏四遠告下閻浮提內咸使
聞知汝等羣民先由窮乏求於衣食及諸財
寶更相欺誑殺害極意自利忘義不推罪福

命終皆墮三塗之中。從冥入冥。受罪多劫。常相悲憐。無由相濟。故忘形苦。涉嶮入海。得此寶珠。來用相救。汝等既已更無乏短。念自勉勵。勤修十善。攝身口意。慈仁孝順。精進御意。勿懷放逸。種種方便。廣勅奉善。因作文書。告諸王臣。謄其法誨。咸令聞知。更相勸督。勿妄為非。今時一切閻浮提內。既蒙大恩。慈澤霑潤。各思何方。仰酬至德。又蒙優教。勅使修善。咸皆慕義。專習慈敬。制身口意。不妄犯罪。命終之後。皆得生天。如是舍利弗。欲知今時。及婆羅門。尼拘盧陀者。今現我父淨飯王。是今時母者。今現我母摩訶耶。是時大施者。今

我身是銀城中龍者今舍利帛是琉璃城中
龍者目捷連是金城中龍者今阿難是時海
神者今離越是阿難為龍王時奉事於我善
知時宜乃至今日索自知時阿難欲得此三
願者隨從其意阿難聞此歡喜踊躍從座處
起長跪白佛當盡形壽為佛侍者時諸會者
聞佛所說感念大恩專心剋勵思惟四攝諸
法出要有得須陀洹斯陀舍阿那舍阿羅漢
者有種辟支佛支佛善因緣者有發無上正
真道意者有得住不退地者咸共歡喜頂戴
奉行

賢愚因緣經卷第八

盤

瘴弱耕上及尼勇捍下音汗春磨上詩容及琴瑟

上巨今及琵琶上音毗下貨輪上子鉤婆音

偷抒海上音貴賈下價字此正是嗜音邈眉

及摩醯下呼怡躍上余推鐘上直孤梵下音

責負作上債剝剝上音梨出玉蝦蟇上音啄

其上作上音卓豈音蕃息音物然音遼遼上音

窳僉然上貨索上他澡罐上音貫無聊下音

窳憚徒且暎然上皎門閭下音肴饈上音作肴

下時恤耗上思律及儲俟下音勸督下音

